



Broj: 03-04-28372-1/23  
Sarajevo, 15.06.2023. godine

## SKUPŠTINA KANTONA SARAJEVO

**gosp. Elvedin Okerić, predsjedavajući Skupštine Kantona Sarajevo**

**PREDMET: Izjašnjenje na zastupničku inicijativu zastupnice Marijele Hašimbegović, dostavlja se –**

**VEZA: Vaš akt, broj: 01-04-24618-1/23 od 30.05.2023. godine**

Na Osmoj Radnoj sjednici Skupštine Kantona Sarajevo, održanoj 30.05.2023. godine, u okviru tačke Dnevnog reda "Poslanička/zastupnička pitanja, inicijative i odgovori, zastupnica Marijela Hašimbegović uputila je zastupničku inicijativu, kako slijedi:

*"Podnosim inicijativu za utvrđivanjem zakonitosti procedure prilikom donošenja akta- Informacija broj: 11-34-18969-5/23 od 19.05.2023. godine sa prilogom od 7 odluka koje su dostavljene osnovnim školama, a tiču se profila i stručne spreme radnika u okviru Pedagoškog standarda i općih normativa i nastavnih planova i programa. U ovom predmetu došlo je do povrede Kolektivnog ugovora obzirom da Dokument nije usaglašen sa sindikalnim predstavnicima.*

*Ovom inicijativom tražim hitno povlačenje akta koji nije u skladu sa zakonom.*

### Obrazloženje:

*Sindikata kao partner u vlasti učesnik je u donošenju i utvrđivanju Kolektivnog ugovora kojim je definisano da se rad radnika zasniva na zakonu i podzakonskim aktima kojima se reguliše predškolski odgoj i obrazovanje, osnovni odgoj i obrazovanje, nastavni plan i program, pedagoški standardi i normativi koji su pravni osnov za akte svih ustanova. Zakon o osnovnom odgoju i obrazovanju obavezuje vas da prilikom donošenja svih akata koji tretiraju nadležnost sindikata izvršite i konsultacije sa sindikalnim predstavnicima kao i usklađivanje mišljenja prilikom donošenja istih.*

S tim u vezi, Ministarstvo pravde i uprave Kantona Sarajevo dostavlja sljedeće izjašnjenje:

Nadležnost Ministarstva pravde i uprave Kantona Sarajevo propisana je u članu 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj: 40/22), kako slijedi:

*"Ministarstvo pravde i uprave vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti pravosuđa, pravobranilaštva, uprave i lokalne samouprave, poslove upravne inspekcije, poslove davanja*



*mišljenja o usklađenosti zakona i drugih propisa koje donosi Skupština Kantona, Vlada Kantona i rukovodioci kantonalnih organa uprave, sa Evropskom konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava, koji imaju pravnu snagu ustavnih odredaba, kao i druge upravne poslove koji ne spadaju u djelokrug drugog organa uprave Kantona."*

Kako se u konkretnom slučaju radi o aktu koji ne spada u nadležnost ovog ministarstva, Ministarstvo pravde i uprave ističe da nije nadležno utvrđivati zakonitost procedure donošenja, kao niti izvršiti povlačenje akta drugog organa uprave.

S poštovanjem,

Dostaviti:

1. Naslovu;
2. Stručna služba Vlade Kantona Sarajevo-na znanje
3. a/a.

